

CYTUNDEB LEFEL GWASANAETH AELOD ANWEITHREDOL O'R BWRDD

Partïon

- (1) Grŵp Cynefin, (y Gymdeithas) gyda Rhif Cymdeithas Gofrestredig: L029
O Tŷ Silyn, y Sgwâr, Penygroes, Caernarfon, Gwynedd, LL54 6LY
- (2) [Enw] (enw yr aelod anweithredol) (**chi**) o [nodi'r cyfeiriad cartref]

1. Penodi

- 1.1 Bu i'ch penodiad fel **Aelod Bwrdd** gychwyn ar y [DYDDIAD PENODI I'R BWRDD]. Bydd eich penodiad yn parhau hyd [hyd dyddiad daw y tymor i ben] oni bai ei fod yn cael ei derfynu ynghynt neu yn cael ei ymestyn yn unol â'r Cyfansoddiad a'r Gytundeb hwn.
- 1.2 Bu i'ch penodiad fel **Cadeirydd Grŵp Cynefin** gychwyn ar y [DYDDIAD PENODI fel Cadeirydd]. Bydd eich penodiad yn parhau hyd [dyddiad daw y tymor i ben] oni bai ei fod yn cael ei derfynu ynghynt neu yn cael ei ymestyn yn unol â'r Cyfansoddiad a'r Gytundeb hwn
- 1.3 Mae eich penodiad yn ddarostyngedig i'r Cyfansoddiad a ni all unrhyw beth yn y Cytundeb yma gael ei gymryd i eithrio neu amrywio telerau'r Cyfansoddiad fel ac y maent yn gymwys i chi fel Aelod Bwrdd.

2. Ymrwymiad Amser

- 2.1 Drwy gytuno a'r Cytundeb hwn, rydych yn cadarnhau y gallwch ac y byddwch yn rhoi o'ch amser, sylw a sgiliau fel bo'n ofynnol ar gyfer ymgymryd â gofynion y rôl. Rhagwelwn ymrwymiad amser o isafswm o 20 diwrnod mewn cyfnod o 12 mis ar ôl i chi gwblhau eich anwythiad. Bydd hyn fel arfer yn cynnwys mynychu lleoliadau amrywiol o fewn ardal weithredu'r grŵp fel caiff ei bennu gan y Gymdeithas.
- 2.2 Bydd disgwyl i chi ymroi amser priodol i baratoi cyn bob cyfarfod a rhoi ystyriaeth i bob papur perthnasol.
- 2.3 Mae natur y rôl yn ei gwneud hi'n amhosib nodi'n union faint o ymrwymiad amser fydd ei angen. Efallai y bydd gofyn i chi ymroi mwy o amser i'r Gymdeithas o dro i dro, yn enwedig pan fydd yna weithgareddau cynyddol yn digwydd o fewn y Gymdeithas. Ar gyfnodau penodol, efallai y bydd rhaid cynnal cyfarfodydd Bwrdd, Pwyllgor neu gyfarfodydd cyffredinol a bydd hyn yn cael ei wneud yn unol â'r Cyfansoddiad.

2.4 Rhaid derbyn cytundeb y Bwrdd cyn i chi dderbyn unrhyw ymrwymiadau ychwanegol all effeithio yr amser gallwch ei ymroddi i'ch rôl fel aelod Bwrdd.

3. Rolau / cyfrifoldebau

3.1 Byddwch yn ymgymryd â dyletswyddau sydd yn cael eu hystyried yn arferol o fewn swydd Aelod Bwrdd gan gynnwys, heb gyfyngiad, y dyletswyddau hynny sydd wedi eu nodi yn y Cytundeb hwn ac yn unrhyw Ddisgrifiad Rôl neu ganllaw a roddir i chi o dro i dro. Mae disgwyl i chi weithio gyda'r Bwrdd a thrwy'r Bwrdd ac nid oes disgwyl i chi ymgymryd â dyletswyddau gweithredol neu ymgymryd â chyfrifoldebau gweithredol.

3.2 Mae disgwyl i chi ymddwyn er lles gorau'r Gymdeithas bob amser ac i gydymffurfio â gofynion y ddeddf CCBSA fel caiff ei newid o dro i dro.

3.3 Mae disgwyl i chi ymgymryd â'ch dyletswyddau gyda sgil a gofal rhesymol, sicrhau bod gweithgareddau'r Gymdeithas o fewn amcanion y Gymdeithas a'u bod yn cael eu cyflawni yn unol â'i bwerau a defnyddio eich pŵer chi ar gyfer yr hyn y mae wedi ei roi i chi.

3.4 Rydych yn cydnabod bod gennych yr un cyfrifoldebau cyfreithiol cyffredinol i'r Gymdeithas, fel pob Aelod Bwrdd arall.

3.5 Yn ychwanegol, bydd gofyn i chi fod yn aelod o un o Bwyllgorau'r Bwrdd (neu unrhyw endidau sy'n gysylltiedig â'r grŵp) ar delerau y bydd y Bwrdd yn pennu a byddwch yn ymgymryd â'r dyletswyddau ychwanegol hynny sy'n gymwys i rôl o'r fath fel sydd wedi ei nodi yn y Disgrifiad(au) Swydd sydd yn cael ei roi i chi o dro i dro.

3.6 Bydd disgwyl i chi:

3.6.1 gynnal a chydymffurfio â Chod Llywodraethol y Gymdeithas ar gyfer Aelodau Bwrdd ac unrhyw god ymddygiad eraill, safonau, cywirdeb a pholisïau tebyg eraill ynghyd â pholisïau a gweithdrefnau ar dâl, treuliau, taliadau eraill a buddion ar gyfer Aelodau Bwrdd a gaiff eu cymeradwyo gan y Bwrdd o dro i dro;

3.6.2 cynnal a chydymffurfio â pholisïau, gweithdrefnau a rheolau sefydlog y Gymdeithas fel sydd wedi eu nodi a'u newid o dro i dro gan y Bwrdd;

3.6.3 ymddwyn o fewn y Cyfansoddiad a chydymffurfio yn llawn gydag o ac unrhyw reolau sefydlog, awdurdodau dirprwyedig, cylch gorchwyl priodol a thelerau eich swydd ddisgrifiad;

3.6.4 cynnal a hybu polisïau, diben, gwerthoedd ac amcanion craidd y Gymdeithas (neu'r Grŵp ehangach) (gan gynnwys ein hymrwymiad i wrthlygredd a chyfleoedd cyfartal ac amrywiaeth) ac osgoi gwneud unrhyw beth a all ddwyn anfri ar y Gymdeithas (neu'r Grŵp ehangach).

- 3.6.5 cyfrannu a rhannu cyfrifoldeb am benderfyniadau'r Bwrdd a/neu unrhyw Bwyllgor y byddwch chi o dro i dro yn aelod ohono;
 - 3.6.6 mynychu anwythiad, hyfforddiant a sesiynau adolygu perfformiad a sesiynau neu ddigwyddiadau tebyg fel sy'n ofynnol yn rhesymol gan y Gymdeithas;
 - 3.6.7 cynnal gwerthusiad o'ch perfformiad fel y mae'n ofynnol gan y Bwrdd o dro i dro a gweithredu ar unrhyw weithrediadau sy'n codi o'r gwerthusiad hwnnw;
 - 3.6.8 darllen papurau Bwrdd a/neu Bwyllgor (fel bo'n briodol) cyn cyfarfod a hynny yn ddigonol er mwyn cyfrannu at gyfarfodydd;
 - 3.6.9 Hysbysu'r Ysgrifennydd Cwmni ar unwaith unrhyw gamweinyddiaeth ar eich rhan, neu gamweinyddiaeth neu gamweinyddiaeth bwriedig unrhyw Aelod Bwrdd neu gyflogai o'r Gymdeithas y byddwch yn ymwybodol ohonno;
 - 3.6.10 cynrychioli'r Gymdeithas pan fydd gofyn; a
 - 3.6.11 ymgymryd â dyletswyddau penodol sydd wedi eu rhestru yn Swydd Ddisgrifiad Aelodau Bwrdd gan dreulio amser priodol fel sydd wedi ei nodi yn Atodiad 1.
- 3.7 Os byddwch ar unrhyw dro yn ystod eich cyfnod fel Aelod Bwrdd yn cael eich penodi fel Cadeirydd, bydd disgwyl i chi hefyd gyflawni'r rôl a chyfrifoldebau ac arddangos rhinweddau sydd wedi eu nodi y Swydd Ddisgrifiad Cadeirydd y Bwrdd fel y caiff ei addasu gan y Bwrdd o dro i dro.
- 3.8 Mae'r Bwrdd yn gyfrifol ar y cyd am sicrhau bod y sefydliad yn llwyddiannus a sicrhau ei gydymffurfiaid gyda holl oblygiadau cyfreithiol a rheolaethol drwy gyfarwyddo a goruchwyllo materion y Cymdeithasau. Hefyd, fel aelod Bwrdd, rhaid i chi sicrhau ar y cyd, fel bo'n briodol eich bod yn;
- 3.8.1 rhoi arweinyddiaeth i'r Gymdeithas;
 - 3.8.2 gosod amcanion strategol y gymdeithas, sicrhau bod yr adnoddau ariannol a dynol mewn lle ar gyfer y Gymdeithas fel ei fod yn cwrdd â'i amcanion ac adolygu perfformiad rheolwyr;
 - 3.8.3 gosod gwerthoedd a safonau'r Gymdeithas a sicrhau bod ei oblygiadau cyfreithiol a rheoleiddio yn cael eu deall a'u cwrdd; a
 - 3.8.4 ac unrhyw ddyletswyddau eraill a all fod yn ofynnol yn rhesymol o dro i dro.
- 3.9 Bydd disgwyl i chi fynychu pob cyfarfodydd o'r:
- 3.9.1 Bwrdd;
 - 3.9.2 pob Pwyllgor yr ydych yn aelod ohono, a
 - 3.9.3 pob Bwrdd is-gwmni yr ydych yn aelod ohono,

3.9.4 pob diwrnod/gweithdy/digwyddiad Strategol y Bwrdd

3.9.5 pob hyfforddiant Bwrdd fel sydd wedi ei drefnu gan y Gymdeithas

Heblaw eich bod wedi eich atal rhan gwneud hyn o ganlyniad i unrhyw ddarpariaeth yn y Ddeddf, y Cyfansoddiad, rheolau sefydlog perthnasol, Cod Llywodraethiant neu God Ymddygiad.

3.10 Bydd disgwyl i chi ymgyswrtu â phob mater sy'n berthnasol i waith a wneir gan y Bwrdd gan gynnwys unrhyw ddarpariaethau rheoleiddiol a statudol perthnasol.

3.11 Efallai cewch eich apwyntio neu eich ethol yn aelod o un neu fwy o Bwyllgorau neu Fyrddau is-gwmni ar delerau y bydd y Bwrdd yn pennu a byddwch yn ymgymryd â'r dyletswyddau ychwanegol hynny sy'n gymwys i rôl o'r fath fel sydd wedi ei nodi yn y Swydd Ddisgrifiad penodol sydd yn cael ei roi i chi o dro i dro.

4. Ffioedd

4.1 Yn ddarostyngedig i gymal 4.6, o'r 1af Gorffennaf 2019 byddwch yn cael ffi o £[swm] gros y flwyddyn i ymgymryd â'ch dyletswyddau fel [Aelod/Cadeirydd] [Bwrdd/Pwyllgor] a fydd yn cael ei dalu yn fisol ar ôl tynnu PAYE ac yswiriant gwladol Dosbarth 1 os yw'n berthnasol (y Ffi).

4.2 Bydd y Ffi yn cael ei adolygu o dro i dro gan y Gymdeithas ac mae'n daladwy bob amser yn ddarostyngedig i gydymffurfiaeth gan y Gymdeithas a gennych chi gydag unrhyw reoliadau neu arweiniad a gaiff ei gyhoeddi gan y Rheoleiddiwr neu unrhyw gorff rheoleiddio arall. Os bydd eich Swydd o fewn y Bwrdd yn newid, yna mae'r Gymdeithas yn dal yr hawl i newid y Ffi yn unol â hynny.

4.3 Bydd y Gymdeithas yn talu i chi unrhyw dreuliau sydd wedi eu creu yn rhesymol a chywir ac sydd wedi eu dogfennu yr ydych wedi eu creu wrth ymgymryd â'ch dyletswyddau yn eich swydd yn ddarostyngedig i:

4.3.1 gydymffurfiaeth 'r Cyfansoddiad ac unrhyw bolisiau neu reolau sefydlog perthnasol, gan gynnwys, ond nid yn gyfyngedig i, y Polisi Costau Teithio fel caiff eu newid o dro i dro

4.3.2 dyddyniadau lle mae angen eu tynnu yn ôl y gyfraith ac yn unol â pholisiau neu reolau sefydlog y Gymdeithas o dro i dro.

4.4 Rydych yn cytuno bod 12.7% o'r Ffi yn swm sy'n daladwy am unrhyw wyliau blynyddol a gymerir yn ystod yr un flwyddyn galendr lle caiff y Ffi ei dalu.

4.5 Efallai y byddwch yn dewis gwrthod y taliad neu roi'r ffi i elusen o'ch dewis a byddwch mewn achos felly yn gyfrifol am unrhyw dreth a cholli hawl i fudd-dal y wladwriaeth o ganlyniad i'ch penderfyniad. Mater i chi a'r awdurdodau perthnasol yw hyn.

4.6 Pan fyddwch, mewn unrhyw gyfnod o 12 mis, wedi methu mynychu [llai na 80% o'r] cyfarfodydd yn unol â'r hyn gaiff ei ddiffinio yng nghymal 3.9 a/neu yn methu ag

ymgymryd yn gywir â'ch dyletswyddau o dan y Cytundeb hwn, bydd y ffi yn cael ei leihau o swm y bydd y Bwrdd yn ei bennu wrth ei lwyr ddisgresiwn a bydd lleihad o'r fath yn cael ei dynnu o unrhyw ffioedd sy'n ddyledus wedi hynny. Bydd methiant pellach yn golygu y byddwch yn torri'r Cytundeb hwn.

- 4.7 Rydych yn cydnabod ac yn cytuno bod adran 90 y Ddeddf Bensiynau 2008 yn berthnasol i'ch swydd fel Aelod Bwrdd y Gymdeithas ac felly nid ydych yn 'weithiwr' ar gyfer diben y Ddeddf Bensiynau 2008. Rydych yn cydnabod ac yn cytuno nad oes gennych hawl i fod yn rhan nac ymuno yn awtomatig mewn unrhyw gynllun pensiwn a gaiff ei gynnig gan y Gymdeithas o dro i dro.
- 4.8 Rydych yn cydnabod ac yn cytuno na fyddwch yn haeddiannol, o dan y Gytundeb hon, unrhyw daliad neu ffi ychwanegol:
 - 4.8.1 am eich penodi neu ddal mwy nac un swydd i'r Gymdeithas ar y tro (e.e. bod yn Aelod Bwrdd ac Aelod Pwyllgor) ac/neu;
 - 4.8.2 os cewch eich penodi yn Aelod o'r Bwrdd (neu'n gyfetholedig) i un o is-gwmnïau'r Gymdeithas.

5. Diddordebau Allanol

- 5.1 Caiff ei dderbyn a'i gydnabod bod gennych ddiddordebau heblaw am rai'r Gymdeithas. Rydych yn cytuno eich bod wedi datgan unrhyw wir wrthdaro neu wrthdaro posib sy'n amlwg.
- 5.2 Rydych yn ymrwymo i ddatgan, cyn gynted ag y byddant yn dod i'r amlwg, pob un ac unrhyw ddiddordebau perthnasol, p'un ai yn rhai gwir neu bosib, yn uniongyrchol neu yn anuniongyrchol fel sy'n ofynnol gan y Cyfansoddiad, y Deddf Cwmnïau (os yn berthnasol), neu y Cod Ymddygiad, y Cod Llywodraethu, neu unrhyw godau ymddygiad perthnasol eraill neu safonau, cywirdeb neu debyg ar daliadau a buddion neu debyg cyn gynted ag y byddant yn dod i'r amlwg.
- 5.3 Rydych chi hefyd yn cytuno na fyddwch (heblaw am pan fydd y Cyfansoddiad yn caniatáu a gyda chaniatâd penderfyniad gan y bwrdd) yn cael eich cyflogi, bod yn rhan na chymryd diddordeb uniongyrchol neu anuniongyrchol neu yn dal swydd mewn unrhyw fusnes sy'n ymgymryd â gwasanaethau tebyg i rai'r Gymdeithas neu sy'n gwsmer neu gyflenwr gwasanaeth i'r Gymdeithas ac ni fydd y cymal 5.3 yma yn gymwys o ran eich aelodaeth o'r bwrdd rheoli nag unrhyw bwyllgor i Gwmni Perthynol.

6. Cyfrinachedd

- 6.1 Rydych yn cydnabod bod yr holl Wybodaeth Berthnasol yn gyfrinachol i'r Gymdeithas a ni ddylech ei ryddhau na'i ddatgelu i drydydd parti yn ystod eich penodiad nag ar ôl i'ch cyfnod ar y Bwrdd ddod i ben (trwy unrhyw ffordd) heb ganiatâd ymlaen llaw gan:
 - 6.1.1 y Cadeirydd:

- 6.1.2 y Bwrdd (pan fyddwch yn cael eich penodi fel Cadeirydd neu yn ymgymryd â rôl y Cadeirydd pan fyddwch yn bwriadu rhyddhau'r Wybodaeth Berthnasol): neu
- 6.1.3 Ysgrifennydd y Cwmni,
neu fel caiff ei ganiatáu gan gymal 6.2 y Cytundeb hwn, cyn belled â'ch bod yn cydymffurfio a bob achos yng nghymal 6.3.
- 6.2 Gallwch ddatgan Gwybodaeth Berthnasol:
- 6.2.1 i'r graddau lle mae'n ofynnol i chi wneud yn gyfreithiol neu drwy orchymyn llys, cyn belled â'ch bod yn defnyddio pob ffordd resymol i roi rhybudd ysgrifenedig ymlaen llaw i'r Gymdeithas o unrhyw ddatgeliad o'r fath ac yn cyfyngu datgeliad o'r fath i'r hyn sy'n ofynnol yn gyfreithiol; neu
- 6.2.2 lle mae'r Wybodaeth Berthnasol wedi (neu oherwydd eich tor chi) wedi dod ar gael i'r cyhoedd yn gyffredinol,
cyn belled â'ch bob ym mhob achos yn cydymffurfio â chymal 6.3.
- 6.3 Rydych yn ymgymryd i sicrhau bod pawb lle caiff y Wybodaeth Berthnasol ei ddatgelu yn unol â chymal 6.1 a 6.2:
- 6.3.1 yn gwybod am natur gyfrinachol y Wybodaeth Berthnasol;
- 6.3.2 yn cadw at delerau'r Cytundeb hwn fel petai ef neu hi yn rhan o'r Cytundeb hwn; a
- 6.3.3 os bydd y Gymdeithas yn gofyn, ymgymryd â chytundeb ysgrifenedig yn debyg i'r rhai sydd yn y Cytundeb hwn.
- ac rydych yn cydnabod y byddwch yn gyfrifol am unrhyw dor o delerau'r Cytundeb hwn gan unrhyw berson lle caiff Gwybodaeth Berthnasol ei ddatgelu fel caiff ei ganiatáu gan gymal 6.1 a 6.2.
- 6.4 Rydych yn cydnabod yr angen i gynnal a chadw, ac yn y pendraw waredu, Gwybodaeth Berthnasol drwy amodau diogel cywir ac yn unol â pholisïau'r Gymdeithas o dro i dro, ac rydych yn cytuno i beidio â thynnu neu ganiatáu eraill i dynnu, unrhyw Wybodaeth Berthnasol o eiddo'r Gymdeithas heblaw pan fydd wirionedd angen am hynny ar gyfer ymgymryd â'ch dyletswyddau yn gywir fel Aelod Bwrdd.
- 6.5 Rydych yn cydnabod bod y Wybodaeth Berthnasol ac y bydd y Wybodaeth Berthnasol yn parhau i fod yn eiddo i'r Gymdeithas a rhaid iddo gael ei roi i'r Gymdeithas mor fuan ag sy'n ymarferol bosib pan ofynnir amdano.
- 6.6 Rydych yn ymgymryd i:

- 6.6.1 beidio â defnyddio'r Wybodaeth Berthnasol ar gyfer unrhyw ddiben heblaw ar gyfer cyflawni eich dyletswyddau fel Aelod Bwrdd;
 - 6.6.2 beidio â chael neu geisio a chael unrhyw fantais ariannol (uniongyrchol neu anuniongyrchol) o ddatgelu Gwybodaeth Berthnasol, a
 - 6.6.3 beidio â gwneud a defnyddio Copïau heblaw am gopïau wedi eu cael gyda chaniatâd ymlaen llaw gan y Cadeirydd neu'r Bwrdd mewn achos pan fyddant yn cael eu penodi neu eu bod yn cymryd swydd y Cadeirydd neu Ysgrifennydd y Cwmni.
- 6.7 Er mwyn osgoi unrhyw amheuaeth, bydd y cymal 6 yma yn parhau i fod mewn grym yn dilyn dod a'r Cytundeb yma i ben am ba bynnag reswm.

7. Proses Arfarnu

- 7.1 Bydd eich perfformiad fel Aelod Bwrdd unigol a pherfformiad y Bwrdd yn ei gyfanrwydd a'i Bwyllgorau yn cael ei arfarnu'n flynyddol. Mae gofyn i chi fynychu a chymryd rhan ym mhob arfarniad ac adolygiad sy'n ymwneud a'ch perfformiad unigol fel Aelod Bwrdd a pherfformiad y Bwrdd yn ei gyfanrwydd.
- 7.2 Os bydd unrhyw faterion yn codi sy'n achosi pryder i chi am eich rôl, dylech eu trafod gyda Chadeirydd y Gymdeithas cyn gynted ag sy'n berthnasol. Os cewch eich penodi fel Cadeirydd y Gymdeithas neu yn cymryd lle'r Cadeirydd yna dylech drafod unrhyw bryderon o'r fath gydag Ysgrifennydd y Cwmni.

8. Adnewyddu cyfnod mewn swydd

Efallai y bydd eich penodiad fel Aelod Bwrdd yn cael ei adnewyddu hyd at dair blynedd gan y Gymdeithas,

cyn belled â'i fod yn cael ei ganiatáu gan y Cyfansoddiad a Chod Llywodraethol y Gymdeithas.

9. Terfynu

- 9.1 Bydd eich penodiad, a'r Cytundeb yma (gan gynnwys, heb gyfyngiad, eich penodiad i unrhyw swydd neu bwyllgor penodol) yn dod i ben heb unrhyw hawl i gael iawndal os:
 - 9.1.1 rydych wedi eich hanghymhwyso rhag gweithredu fel Cyfarwyddwr Cwmni am unrhyw reswm; neu
 - 9.1.2 rydych wedi eich hanghymhwyso rhag gweithredu fel ymddiriedolwr elusen am unrhyw reswm; neu

- 9.1.3 rydych wedi eich cael yn euog o drosedd ditiol sydd ddim, neu all ddim gael ei dreulio; neu
 - 9.1.4 ydych yn destun cytundeb â chredydwyr; neu
 - 9.1.5 nad ydych yn Gyfrandaliwr (oni bai eu bod yn aelod cyfetholedig); neu
 - 9.1.6 ydych yn absennol o dri chyfarfod olynol o'r Bwrdd neu Bwyllgor heb gael caniatâd arbennig i fod yn absennol; neu
 - 9.1.7 yw ymarferydd meddygol cofrestredig yn cyflwyno barn ysgrifenedig yn datgan bod yr unigolyn yn analluog yn gorfforol neu'n fyddyliol i weithredu fel aelod o'r Bwrdd, ac all aros felly am gyfnod o fwy na thri mis; neu
 - 9.1.8 eich bod wedi bod yn absennol o (dri) cyfarfod Bwrdd ar y tro, heb ganiatâd arbennig o'r absenoldeb neu heb eglurhad rhesymol; neu
 - 9.1.9 eich bod yn denant ac wedi torri eu cytundeb tenantiaeth neu brydles mewn modd perthnasol neu ddifrifol, ac yn methu ag unioni'r tor-cytundeb neu brydles mewn cyfnod rhesymol fel a gytunwyd â'r Gymdeithas; neu
 - 9.1.10 eich bod wedi eu hethol yn benodol fel Tenant Aelod o'r Bwrdd a'u bod yn peidio â bod yn breswilydd; neu
 - 9.1.11 bod [y Bwrdd]/[Cadeirydd] yn eich hysbysu ei fod/bod yn ystyried bod yna dan-berfformiad materol ar unrhyw adeg yn eich perfformiad yn gweithredu'r cyfrifoldebau o dan y Gytundeb hon, neu eich bod wedi torri amodau y Gytundeb (sy'n cynnwys, ond dim yn gyfyngedig i gymal 3 o'r Gytundeb hon) neu y Cod Llywodraethiant neu Cod Ymddygiad; neu
 - 9.1.12 eich bod yn peidio â bod yn Aelod Bwrdd an unrhyw reswm gan gynnwys gan reswm ohonnoch yn gadael swyddogaeth (neu pan dybir eich bod wedi gadael eich swyddogaeth o dan y Cyfansoddiad) neu fel arall yn unol âg unrhyw ddarpariaeth o'r Cyfansoddiad).
- 9.2 Bydd defnydd cywir y Gymdeithas o'r hawl i derfynu o dan gymal 9 yn cael ei wneud heb ragfarn i unrhyw hawliau neu ateb arall lle mae gan y Gymdeithas hawl i'w rhoi ar waith yn eich erbyn.
- 9.3 Pan fydd y Cytundeb hwn yn dod i ben, ni fydd gennych hawl i daliad ar gyfer unrhyw ran o'r ffi sydd heb ei dalu wrth derfynu heblaw bod y Cadeirydd, wrth ei l/llwyr ddisgresiwn, yn pennu eich bod yn cael eich talu'r holl ffi neu ran ohono.
- 10. Sefyllfa ar derfynu**
- 10.1 Rydych yn cydnabod pan fydd eich penodiad yn dod i ben am unrhyw reswm a thrwy ba bynnag ffordd byddwch, heb unrhyw hawl neu yn hawlio am iawn-dal:

- 10.1.1 ar gais y Gymdeithas, ymddiswyddo yn syth o bob swydd yr ydych yn dal yn unol â thelerau'r Cytundeb hwn, gan gynnwys unrhyw swydd mewn Cwmni Perthynol;
- 10.1.2 os ydych yn parhau i fod yn gyfranddaliwr ar gais y Gymdeithas, ildio ac ymgymryd â phob cam gofynnol i drosglwyddo perchnogaeth unrhyw gyfranddaliad i'r Gymdeithas a/neu unrhyw Gwmni Perthynol; a
- 10.1.3 ddim yn cynrychioli eich hun eich bod yn gysylltiedig mewn unrhyw ffordd a'r Gymdeithas nag unrhyw un o'i Gwmnïau Perthynol.
- 10.2 Mewn achos pan nad ydych wedi llwyddo i gydymffurfio â chymal 10.1.2 uchod, rydych yn awdurdodi yn ddi-arlw'n ôl bod Ysgrifennydd y Cwmni yn penodi rhywun yn eich enw ac ar eich rhan i arwyddo a chyflawni diswyddiad o'r fath neu ildiad neu drosglwyddiadau (fel y mae'r achos) i'r Gymdeithas ac i bob un o gwmnïau Perthnasol lle rydych chi yn swyddog ar y pryd neu (fel yn yr achos) yn gyfranddaliwr.
- 10.3 Wrth derfynu eich penodiad am unrhyw reswm a thrwy ba bynnag ffordd, neu ar unrhyw adeg ar gais y Bwrdd, byddwch yn:
- 10.3.1 dychwelyd yr Holl Wybodaeth Berthnasol i'r Gymdeithas ac eiddo eraill sy'n berchen i'r Gymdeithas neu i unrhyw Gwmni Perthynol a all fod yn eich meddiant neu o dan eich rheolaeth, a (er mwyn osgoi unrhyw amheuaeth) ni fyddwch yn cadw unrhyw Gopiâu; a
- 10.3.2 dileu, heb adfer, unrhyw Wybodaeth Berthnasol sydd wedi ei storio ar unrhyw ddisg magnetig neu optical gan gynnwys rhwydweithiau cyfrifiadur personol, cyfrifon e-bost personol neu gyfrifon personol ar wefannau a phob mater sy'n deillio o ffynonellau o'r fath sydd yn eich meddiant neu o dan eich rheolaeth tu allan i eiddo'r Gymdeithas, a (er mwyn osgoi unrhyw amheuaeth) ni fyddwch yn cadw Copïau ohonynt.
- 10.4 Er mwyn osgoi unrhyw amheuaeth, bydd y cymal 10 yma yn parhau i fod mewn grym yn dilyn dod a'r Cytundeb yma i ben am ba bynnag reswm.

11. Statws

11.1 Caiff ei gytuno a'i gydnabod rhwng y partion:

- 11.1.1 byddwch yn aelod ac yn parhau i fod yn aelod o'r Bwrdd yn ystod eich penodiad ac nid oes unrhyw beth yn y Cytundeb hwn a fydd yn dehongli neu yn cael effaith ar unrhyw berthynas gweithiwr a gweithiwr rhwng y Gymdeithas a chi; a

11.1.2 does yna neb sy'n gweithio i'r Gymdeithas sydd â swydd llawn amser cyffelyb.

11.2 Ni ddylid dehongli'r Cytundeb hwn er mwyn creu partneriaeth neu fenter ar y cyd rhwng partïon. Ni ddylid dehongli dim yn y Cytundeb hwn fel bod unrhyw barti yn dod yn asiant i barti arall neu asiant o unrhyw drydydd parti.

12. Cyffredinol

12.1 Mae'r Cytundeb hwn ac unrhyw ddogfennau a gyfeirir atynt ynddo yn cynnwys ac yn gosod allan y cytundeb cyfan a dealltwriaeth partïon ac mae'n gorchfygu pob cytundeb, dealltwriaeth neu drefniadau llafar ac ysgrifenedig blaenorol sy'n ymwneud â'r Cytundeb yma. Nid oes gan unrhyw barti'r hawl i ddibynnu ar unrhyw gytundeb, dealltwriaeth neu drefniant sydd heb ei nodi yn y cytundeb hwn cyn belled ac nad oes dim yn y cymal yma a all effaith ar y ffaith bod eich penodiad yn ddarostyngedig i'r Cyfansoddiad ac ni fydd unrhyw beth yn y Cytundeb yn cael ei gymryd i eithrio neu amrywio telerau'r Cyfansoddiad fel ac y maent yn briodol i chi fel Aelod Bwrdd.

12.2 Ni fydd y Cytundeb hwn yn cael ei newid, addasu, amrywio neu ei ychwanegu ato heblaw bod hynny wedi ei gytuno ymlaen llaw yn ysgrifenedig ac wedi ei arwyddo gan y partïon.

12.3 Ni fydd unrhyw fethiant neu oedi ar ran y naill barti neu'r llall i arfer unrhyw hawl neu ddatrysiad o dan y Cytundeb hwn yn cael ei ddehongli neu ei weithredu fel hepgoriad nac unrhyw arferiad unigol neu rannol o unrhyw hawl neu ddatrysiad fel gall yr achos fod. Mae'r hawliau a datrysiadau yn y Cytundeb hwn yn rhai cronnus ac nid ydynt wedi eu heithrio ar gyfer unrhyw hawl neu ddatrysiad a roddir gan Gyfraith.

12.4 Nid yw Deddf Cytundebau (Hawliau Trydydd Parti) 1999 yn gymwys ar gyfer y Cytundeb hwn. Nid oes gan unrhyw berson arall heblaw amdanoch chi a'r Gymdeithas hawliau o dan y Cytundeb hwn ac nid fydd telerau'r Cytundeb yn rhai a ellir eu gorfodi gan unrhyw berson heblaw amdanoch chi a'r Gymdeithas.

12.5 Ac eithrio fel y darperir fel arall yn y Cytundeb hwn, ni chaiff unrhyw barti aseinio, is-gontractio na delio mewn unrhyw ffordd; unrhyw un o'i hawliau neu rwymedigaethau o dan y Cytundeb hwn neu unrhyw ddogfen y cyfeirir ati ynddi, ac eithrio y gall y Gymdeithas neilltuo ei hawliau i unrhyw Gwmni Cysylltiedig ar rybudd ysgrifenedig ymlaen llaw i chi.

12.6 Rydych yn cydnabod na fyddai iawndal ei hun yn ddatrysiad digonol ar gyfer torri unrhyw un o ddarpariaethau'r Cytundeb hwn. Yn unol â hynny, heb ragfarn tuag at unrhyw hawliau a datrysiadau sydd ganddo, mae gan y Gymdeithas hawl i roi rhyddhad ecwitiol (gan gynnwys rhyddhad gorfodebol heb gyfyngiad) am unrhyw dor a gaiff ei amau neu wir dor o unrhyw ddarpariaethau yn y Cytundeb hwn.

- 12.7 Mae'r Cytundeb yn gosod telerau'r datganiad o oblygiadau fel sy'n ofynnol gan y Bwrdd Unwaith y mae wedi ei draddodi gan y ddau barti, bydd yn creu cytundeb ysgrifenedig gennych y byddwch yn cwrdd â'ch goblygiadau i'r Bwrdd a'r Gymdeithas fel sy'n ofynnol gan Reolau'r Gymdeithas; y Rheolau Sefydlog; Cod Ymddygiad Aelodau'r Bwrdd ac unrhyw ddogfennau perthynol.

13. Yswiriant

- 13.1 Mae gan y Gymdeithas yswiriant ar waith ar gyfer atebolrwydd cyfarwyddwyr a swyddogion. Y bwriad yw cynnal sicrwydd o'r fath ar gyfer telerau llawn eich penodiad; mae copi o'r ddogfen bolisi ar gael ar gais gan y Gymdeithas.

14. Diogelu Data

- 14.1 Drwy lofnodi'r Cytundeb hwn rydych yn rhoi caniatâd i'r Gymdeithas gasglu, prosesu, a throsglwyddo data amdanoch chi at ddibenion cyfreithiol, personél, gweinyddol a rheoli ac yn arbennig i brosesu unrhyw ddata personol nodweddion arbennig sy'n berthnasol i chi. Bydd gwybodaeth o'r fath yn cael ei phrosesu yn unol â'r Rheoliad Diogelu Data Cyffredinol (GDPR), â'r Ddeddf Gwarchod Data 2018.
- 14.2 Rydych yn cydsynio i'r Gymdeithas sicrhau bod gwybodaeth o'r fath ar gael i unrhyw un o'i Chwmnïau Cysylltiedig, y rheini sy'n darparu cynhyrchion neu wasanaethau i'r Gymdeithas (neu i unrhyw Gwmnïau Cysylltiedig), awdurdodau rheoleiddio, darpar gyflogwyr neu gyflogwyr yn y dyfodol, sefydliadau a photensial llywodraethol neu led-lywodraethol partneriaid uno'r Gymdeithas, ac fel sy'n ofynnol yn ôl y gyfraith.
- 14.3 Bydd y Gymdeithas yn cydymffurfio â Pholisi Gwarchod Data a Chyfrinachedd y Gymdeithas, y mae copi ohono ar gael gan Ysgrifennydd y Cwmni.
- 14.4 Gall y Cwmni newid ei Bolisi Gwarchod Data a Chyfrinachedd ar unrhyw adeg a bydd yn eich hysbysu'n ysgrifenedig am unrhyw newidiadau.
- 14.5 O dan GDPR, mae gennych yr hawl i dynnu'n ôl y caniatâd a roddir mewn perthynas â'r Gymdeithas wrth gasglu, prosesu a throsglwyddo eich gwybodaeth personol ar unrhyw adeg.

15. Hysbysiadau

- 15.1 Bydd unrhyw hysbysiad sydd i'w roi yn ysgrifenedig ac yn cael ei roi'n ddigonol:

15.1.1 yn eich achos chi trwy gael ei gyflwyno naill ai'n bersonol i chi neu ei anfon drwy'r cyfeiriad post cofrestredig wedi'i gyfeirio atoch yn eich cartref arferol neu'ch man preswyl diwethaf; neu

15.1.2 yn achos y Gymdeithas trwy gael ei gyflwyno yn y post cofrestredig neu ei anfon drwy'r post cofrestredig neu ddanfoniad wedi'i recordio wedi'i gyfeirio at ei swyddfa gofrestrredig wedi'i farcio at sylw Ysgrifennydd y Cwmni

15.2 Bydd unrhyw rybudd o'r fath, os caiff ei bostio, wedi'i gyflwyno ar yr ail ddiwrnod yn dilyn yr un y cafodd ei bostio.

15.3 Byddwch yn rhoi gwybod yn brydlon i Ysgrifennydd y Cwmni am unrhyw newid yn eich cyfeiriad neu fanylion cyswllt personol eraill.

15.4 Rydych yn cytuno, ar gais y Gymdeithas, y byddwch, cyn gynted ag y bo'n rhesymol ymarferol a beth bynnag o fewn 28 diwrnod ar ôl y cais, yn rhoi manylion unrhyw wybodaeth y gofynnwyd amdani gan y Gymdeithas i'w galluogi i gydymffurfio â'i rhwymedigaethau o dan Reoliadau Deddf Cydraddoldeb 2010 (Gwybodaeth Bwlch Cyflog rhwng y Rhywiau) 2017.

16. Datganiad

16.1 Drwy lofnodi'r ddogfen hon rydych yn cytuno ac yn datgan nad ydych yn ymwybodol o unrhyw resymau a fyddai'n neu a fyddai'n debygol o wneud i chi fod yn anghymwys i wasanaethu fel Aelod Bwrdd o'r Gymdeithas ac yn benodol:

16.1.1 nad ydych yn fetldalwr heb ei ryddhau nac yn ddarostyngedig i unrhyw gyfansoddiadau neu drefniadau heb eu rhyddhau gyda'ch credydwyr;

16.1.2 nad ydych wedi'ch anghymhwyso am unrhyw reswm rhag gweithredu fel cyfarwyddwr cwmni neu ymddiriedolwr elusen neu swyddog darparwr tai cymdeithasol cofrestredig;

16.1.3 na chwsoch eich dyfarnu'n euog o unrhyw drosedd ditiadwy, oni bai bod y gollfarn yn gyfreithiol;

16.1.4 na chwsoch eich dyfarnu'n euog o unrhyw drosedd a fyddai'n debygol o ddwyn anfri ar y Gymdeithas neu a allai fod yn anghydnaws â swydd Aelod o'r Bwrdd;

16.1.5 nad ydych wedi eich darganfod yn euog o drosedd sy'n ymwneud â thwyll neu anonestrwydd heblaw bod cyfnod yr euogfarn wedi mynd heibio;

16.1.6 nad ydych wedi'ch tynnu oddi wrth wasanaethu fel ymddiriedolwr elusen, neu cyfarwyddwr cwmni, neu aelod o fwrdd cymdeithas gofrestrredig, neu wedi'ch stopio rhag gweithredu mewn swydd reoli o fewn elusen;

16.1.7 nad ydych mewn anghydfod gyda'r Gymdeithas neu unrhyw un o'i Chwmnïau Cysylltiedig, nac yn torri unrhyw gytundeb gyda'r Gymdeithas neu unrhyw un o'i Chwmnïau Cysylltiedig;

16.1.8 nad ydych yn anghymwys am unrhyw reswm i fod yn Aelod Bwrdd o'r Gymdeithas yn unol â'r Cyfansoddiad; a

16.1.9 eich bod wedi gwneud datganiad llawn i'r Gymdeithas o unrhyw wrthdaro buddiannau gwirioneddol neu bosibl sy'n effeithio arnoch chi, aelodau o'ch teulu a busnesau neu sefydliadau eraill yr ydych yn gysylltiedig â hwy.

17. Y gyfraith ac awdurdodaeth

17.1 Bydd telerau'r Cytundeb hwn yn cael ei lywodraethu gan Gyfreithiau Cymru a Lloegr fel bo'n berthnasol ac mae'r partïon yn cytuno i gyflwyno'r awdurdodiad perthnasol mewn achos o anghydfod.

18. Diffiniadau

Caiff ei gytuno fel â ganlyn:

Mae **Cwmni Cysylltiedig** yn golygu unrhyw gwmni, cymdeithas gofrestredig, partneriaeth, neu endid arall, sy'n cael ei reoli'n uniongyrchol neu'n anuniongyrchol gan y Gymdeithas, neu sy'n ei rheoli'n uniongyrchol neu'n anuniongyrchol neu y mae gan y Gymdeithas fudd o unrhyw fath mewn perthynas â hi lle rydych efallai wedi cael eich enwebu neu'ch penodi gan y Gymdeithas.

Bydd **Cwmnïau Cysylltiedig** yn cael eu dehongli yn unol â hynny;

Mae'r **Bwrdd** yn golygu bwrdd cyfarwyddwyr y Gymdeithas;

Mae **Aelod Bwrdd** yn golygu aelodau'r Bwrdd;

Mae **CCBSA** yn golygu 'Co-operative and Community Benefit Societies Act 2014';

Mae **Cadeirydd** yn golygu Cadeirydd y Bwrdd;

Mae **Cod Ymddygiad** yn golygu unrhyw god neu godau ymddygiad ar gyfer Aelodau'r Bwrdd fel y'u mabwysiadwyd gan y Gymdeithas o bryd i'w gilydd;

Mae **Cod Llywodraethu** yn golygu unrhyw god neu godau llywodraethu a fabwysiadwyd gan y Gymdeithas o bryd i'w gilydd;

Mae **Pwyllgor** yn golygu unrhyw bwyllgor o'r Gymdeithas y gellir penodi Aelod o'r Bwrdd iddo yn unol â'r Cyfansoddiad a'r Cod Ymddygiad. Dehonglir pwyllgorau yn unol â hynny;

Mae **Ysgrifennydd y Cwmni** yn golygu ysgrifennydd y Gymdeithas o bryd i'w gilydd;

Mae **Deddf Cwmnïau** yn cyfeirio at yr hyn a olygir o fewn adran 2 o'r Deddf Cwmnïau 2006;

Mae **Cyfansoddiad** yn golygu'r rheolau'r Gymdeithas neu offeryn llywodraethu arall (yn ôl fel y digwydd) sy'n llywodraethu'r Gymdeithas fel y'i mabwysiadwyd ac a ddiwygiwyd o bryd i'w gilydd;

Mae **copïau'n** golygu unrhyw gopïau neu gofnodion o unrhyw Wybodaeth Berthnasol (gan gynnwys ond heb fod yn gyfyngedig i lungopïau, sganïau, dyfyniadau, dadansoddiadau, astudiaethau, cynlluniau, cyweithiau, neu unrhyw ffordd arall o gynrychioli neu gofnodi ac adalw gwybodaeth sy'n cynnwys, yn adlewyrchu neu'n deillio neu a gynhyrchir o Wybodaeth Berthnasol);

Mae **Ffi** yn golygu y ffi sy'n cael ei disgrifio fel sydd wedi ei ddiffinio yn 4.1;

Mae **Rheoleiddiwr** yn golygu Llywodraeth Cymru yn gweithredu trwy bwerau a roddwyd yn Rhan 1 o Ddeddf Tai 1996, neu unrhyw awdurdod tebyg yn y dyfodol (gan gynnwys unrhyw olynedd statudol) sy'n parhau'r un swyddogaethau rheoleiddio neu oruchwyllo yn sylweddol;

Mae **Gwybodaeth Berthnasol** yn golygu'r holl wybodaeth a gawsoch mewn cysylltiad â'ch swydd fel Aelod Bwrdd (a / neu mewn cysylltiad â'ch cais i ddod, ac / neu broses eich apwyntiad fel Aelod Bwrdd), ym mha bynnag ffurf (gan gynnwys ond heb fod yn gyfyngedig i ffurf ysgrifenedig, llafar, gweledol neu electronig neu ar unrhyw ddisg neu gof magnetig neu optegol) a chan gynnwys unrhyw Gopïau, a lle bynnag y'u lleolir ac a yw gwybodaeth o'r fath (mewn unrhyw beth ar wahân i ffurflen lafar) wedi'i farcio'n gyfrinachol, ond heb fod yn gyfyngedig i:

- (a) unrhyw wybodaeth sy'n ymwneud â busnes y Gymdeithas neu ei Chwmnïau Cysylltiedig (gan gynnwys ond heb fod yn gyfyngedig i wybodaeth ariannol, contractau a thargedau presennol a darpar, cynlluniau a strategaeth marchnata, cynlluniau busnes neu adroddiadau, rhaglenni busnes neu bolisiau a systemau busnes),
- (b) unrhyw wybodaeth yr ydych chi, gan weithredu'n rhesymol, yn disgwyl i'r Gymdeithas neu ei Chwmnïau Cysylltiedig ei hystyried yn gyfrinachol, a
- (c) unrhyw wybodaeth y mae'r Gymdeithas neu ei Chwmnïau Cysylltiedig yn ei labelu fel, neu'n rhoi gwybod i chi, sy'n gyfrinachol;

Mae **Proffil Rôl** yn golygu unrhyw broffil rôl, disgrifiad rôl/swydd, datganiad cymwyseddau neu ddogfen debyg a gyhoeddir i chi gan y Gymdeithas o bryd i'w gilydd.

Mae **Llywodraeth Cymru** yn golygu'r corff a sefydlwyd o dan adran 45 o Ddeddf Llywodraeth Cymru 2006 (Deddf 2006); Ystyrir mai "Gweinidogion Cymru" yw Gweinidogion Cymru a benodir o dan adran 48 o Ddeddf 2006. O dan Rhan 1 Deddf Tai 1996, mae Gweinidogion Cymru yn cofrestru ac yn rheoleiddio landlordiaid cymdeithasol cofrestredig. Mae'r Tîm Rheoleiddio Tai yn rheoleiddio ar ran Gweinidogion Cymru.

Mae **is-gwmni** yn golygu is-gwmni o'r Gymdeithas, ac yn y cyd-destun yma, yn golygu yr hyn caiff ei gyfeirio ato fel "is-gwmni" yn adrannau 100 a 101 o'r CCBSA.

Gweithred Cytundeb

Wedi ei arwyddo fel gweithred

[ENW]).....

Ym mhresenoldeb

Llofnod Tyst).....

Enw

Cyfeiriad

Swydd

Arwyddwyd fel gweithred gan **Grŵp Cynefin**

Gan Dafydd Lewis, Cadeirydd

A Shan Lloyd Williams, Ysgrifennydd y Cwmni

Cadeirydd).....

Ysgrifennydd y Cwmni).....

Gweithred Cytundeb

Dyddiedig y o'r 2019

Atodiad: Swydd Ddisgrifiad Aelod o'r Bwrdd